

Agente Policial riba pia fin di siman

**CONTROL POLICIAL
DEN ORANJESTAD:
93 BOET REPARTI**



WWW.SOLODIPUEBLO.COM



SOLODIPUEBLO@GMAIL.COM

**A YAMA DR ALEX
SCHWENGLE PA BOLBE BEK
Y A PIDI JENIFER ARENDS
REYES PA BAY HULANDA**



Otmar Oduber (PPA):
**ACTIVA DEPARTAMENTO DI
CRISIS PA BUSCA PISCADORNAN;
TUR MINUUT TA CONTA**



**POLIS Y AMBULANS A
BAY PA UN HOBENCITA
DI 17 AÑA CU A LOS 2
TIRO NA SU PIA!**



**Opinion personal:
KI ORA BO TA
APUNTA UN
“VAKMINISTER”?**



Ta trata di vehiculonan den custodia TUR VEHICULO CU WORDO KITA DOR POLIS TA BAY R.S.I.



MACUARIMA, ARUBA: Cuerpo Policial Aruba ta informa comunidad cu entrante 7 di juli 2025 tur vehiculo cu wordo kita door di polis lo wordo hiba den custodia (ter bewaring) na R.S.I. (Recovery Solucons & Investigation) situa na Avenida Milio Croes 40 A , Dakota ex Malboro Ball Park. (esaki ta exclui vehiculonan cu a wordo confisca como obheto di un investigacion penal)

Manerataconocidia20maart2025 a tuma lugar un destaho publico y e compania R.S.I. a wordo eschoi pa cu e proyecto di “Bewaring, Opslag en Takeldiensten KPA”.

E compania R.S.I. lo tin como tarea entrante 7 juli 2025:

- Nan ta encarga pa takel e vehiculo cu wordo kita door di polis y hibanan na e localidad di R.S.I. situa na Avenida Milio Croes
- Ta percura pa warda e vehiculo y ta responsabel pa cu esaki.
- R.S.I. lo tin den custodia tur vehiculo cu wordo kita dor di Polis.
- E orario cu e doño por busca nan vehiculo ta di dialuna pa diasabra di 09:00 am pa 8:00

pm na R.S.I.

- Pa por haya e vehiculo bek e doño mester presenta cu e documentonan valido. Paga e costo di takel y e wardamento. Esaki ta conforme articulo 20 y articulo 30 di Landsverordening Wegverkeer (AB 1997 no 18), articulo 1 sub B y C, articulo 5 y 6 di Retributie- en Legesbesluit Korps Politie Aruba 2002 (AB 2003 no. 4).

E pago ta solamente via swipe machine. No ta acepta cash. Esaki ta wordo paga na R.S.I. su oficina. E costonan ta como lo siguiente :

- Pa takel e vehiculo ta Afl. 175,-
- Si e vehiculo p.e. wordo hala for di caminda y poni un banda esaki ta Afl. 75,-
- Pa cada dia cu e vehiculo keda na R.S.I. tin un costo di Afl 25,-

Tene bon na cuenta cu si bo no bin busca bo vehiculo den 48 ora, bo persona lo ricibi un carta na cas na unda cu esaki ta mara na gastonan adicional.

Despues di 90 dia cu e vehiculo keda den custodia , esaki lo wordo bendi na findishi of e lo wordo destrui si e no wordo bendi.



SOLODIPUEBLO@GMAIL.COM
CEL.585 9500



Otmar Oduber (PPA): ACTIVA DEPARTAMENTO DI CRISIS PA BUSCA PISCADORNAN; TUR MINUUT TA CONTA

Oranjestad, 14 di juli 2025 — Fraccion Parlamentario di Partido Patriotico Arubano (P.P.A.) a havi un yamada di urgente na Su Excelensia Mike Eman, Ministro Presidente di Aruba, pa activa den inmediato e Oficina di Maneho di crisis (CMO), relaciona cu un suceso tragico cu a tuma lugar e diasabra, unda cuater (4) hoben Arubiano a desaparace den lama.

Apesar di tur esfuerso di buskeda cu yatenan priva, botonan local i e flota di Kustwacht Caribisch Gebied, te dia di awe, no a logra haya e hobenanan.

E operacion di buskeda, cu a cuminsa hopi tempran den anochi di diasabra, a cubri un area maritimo sin resultado positvo.

“NOS TA DEN UN SITUACION HOPI SENSITIVO I DOLOROSO PA E FAMILIANAN AFECTA I PA HENTER CONUNIDAD. AUNKE TECHNICAMENTE E NO TA UN CRISIS NACIONAL SEGUN E CANTIDAD DI PERSONA ENVOLVI, E IMPACTO HUMANO I EMOCIONAL TA INPAGABEL.

Fraccion di P.P.A. ta insisti cu den e circunstansianan



actual, i mirando e tempo cu a pasa, Gobierno mester activa e maneho di crisis CMO pa coordina esfuersonan cu Kustwacht i otro instansianan oficial —tanto nacionam cono

internacional— pa realisa un buskeda mas profundo.

“E PAIS NO POR KEDA KEDA KETO. MESTER USA TUR MEDIO DISPONIBEL. NO POR

LAGA E FAMILIANAN NAN SO DEN NAN DOLOR.

TUR MINUUT TA CONTA,” SR. ODUBER A AGREGA.

CONTROL DEN TRAFICO TA ESENCIAL PA GARANTISA SIGURIDAD DEN TRAFICO

Diabierna atardi, diferente unidad di cuerpo policial a bin hunto pa asina forma parti di un control grandi den trafico. Minister di Husticia mr. drs. Arthur Dowers tambe presente na sitio, pa asina cu su presencia, duna un indicacion kico por spera bek como maneho di awo en adelante. Presencia policial den trafico ta esencial pa un trafico mas sigur.

Polis a haci control pa mira e comportacion di e comunidad den trafico. Den apenas algun ora, un candidad di aproximadamente shen vehiculo a keda para y controla. Esaki a tuma lugar den area di Linear Park, L.G. Smith Boulevard.

A confisca algun vehiculo, como tambe droga pero locual a constata ademas di tur esey, ta cu hopi automobilista cu no tin e documentacion nesecario pa por maneha un vehiculo riba carretera.

Pa ministerio di husticia, di control den trafico ta necesario pa yuda aumenta e siguridad den trafico. Na momento cu confisca vehiculonan cu no ta cumpli cu tur rekisito, bo ta saca esakinan for di circulacion den trafico. Na mas di un ocasion por a scucha for di e comunidad cu si tin tur papel na ordo, y ta haya nan mes involvi den accidente causa pa vehiculonan sin

seguro, y ta keda cu gasto enorme pa drecha nan auto. Miniser Dowers ta enfatisa tambe riba e parti preventivo, cual durante su gobernacion anterior tabata e exito indiscutibel, cu a logra baha e porcentahe di accidente rond nos isla na cifranan hopi abao.


Esaki ta danki na campananan di prevencion y conscientisacion continuo dirigi riba esnan cu ta forma parti di nos trafico. E control di trafico ta primordialmente riba documentonan di e vehiculo, comportacion den trafico, condicion di e auto, etc, y si tin sospecho di cosnan ilicito, ta activa e cacho di K9



unit pa haci su inspeccion. E presencia policial ta un factor importante y preventivo den e comportacion den trafico. Na momento cu bo mira cu tin polis na diferente area strategico, e ta influencia e automobilista pa tene su mes na regla di trafico, manera entre otro bisti safety belt,

no papia na celular etc, pero tambe evita cu ta maneha bao influencia di alcohol. Por spera mas control grandi rond isla, como tambe mas presencia di polis pa asina gana e teritorio bek cu a bay perdi den e ultimo añanan, reenforza e siguridad y trece orden publico.

CHAUFFEUR HERIDA DESPUES DI A BAHAMINDA BAY DAL BASTA DURO RIBA UN TRONCON NA BUSHIRI L.G. SMITH BLVD



Dialuna madrugada a drenta informe di un accidente cu hende herida na Bushiri L.G. Smith Blvd., mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di e chauffeur di un auto a perde control baha caminda y a bay dal basta duro riba un mata di coco kibra esaki.

Debi na e impacto e chauffeur a resulta herida.

Na yegada di e ambulans nan a atende e victima.



HABITANTENAN DI BUSHIRI COMPLEX TA FORMA PARTI DI E PROCESO PA MEHORA NAN BARIO

Diadomingo atardi, Prome Minister mr. Mike Eman, a reuni cu habitantenan di Bushiri Complex na Bestuurskantor y a duna un presentacion di un proyecto ambicioso pa mehora e bienestar di e habitantenan di e casnan social di FCCA.

Durante di e recien bishita di Accion di Bario na Bushiri Complex, a scucha e habitantenan y a traduci nan deseonan den un plan holistico den cual lo crea facilidadnan necesario pa duna e habitantenan di e bario un experiencia completo den nan bario. Den pasado, e barionan social tabata consisti di un cantidad di cas banda di otro y un pida caminda,

na unda e habitantenan mester a coexisti cu otro sin mucho cos di haci. Esaki a resulta hopi biaha den barionan fragmenta cu e habitantenan no tabatin mucho di haci como comunidad, y e hobennan tabata bay facilmente riba caminda robes pa falta di facilidadnan di recreacion.

Durante e presentacion di e plan, e habitantenan a expresa nan deseo pa haya un greenhouse of espacio riba cual nan por desaroya un area pa planta matanan di berdura y fruta y a keda contento cu e plan nobo. Locual ta nobo den e plan aki ta e involucmento di e propio habitantenan cu ta contribui cu pensamentonan

relevante pa nan bario.

Habitante di Bushiri Sr. Elvin Geerman a gradici Prome Minister Eman pa ta conecta cu e pueblo pa haya sa kico realmente ta e dolor di e habitantenan di cada bario. Door di scucha e habitantenan, na momento cu ta crea maneho, e ta duna participacion directo den desaroyo di e barionan.

Segun habitante di Madiki, Sra. Francy Arends-Lugo, e barionan di Bushiri a keda bandona pa hopi aña. “No tabatin nada concreto pa nan”. E unico cos cu tin pa e muchanan haci, ta riba e veld di futbol cu Prome Minister Mike Eman mes a traha durante su gabinete



anterior. “E tempo ey, nan a kere den un veld pa e muchanan di Bushiri, y esey ta locual ta tene e muchanan bezig, voor de rest e luga ta deteriora”, Sra. Arends-Lugo a expresa.

Cu e vision nobo, Gobierno, pa medio di FCCA, ta pensa riba facilidadnan deportivo basa riba e demanda di e hobennan di e respectivo barionan, un community center den

cual e habitantenan di mas edad por bin hunto y organisa diferente actividad pa e bario, duna curso y crea programanan creativo pa yuda desaroya nan comunidad. E plan ta pa duna e famianan den e barionan e facilidadnan pa ta mas pafo di cas y den nan bario hunto y esaki ta inclui un cantidad di mata grandi pa duna sombra pero tambe voetpad, speeluin pa e chikitonan etc.

Parlamentario Evelyn Wever-Croes

Opinion personal:

KI ORA BO TA APUNTA UN “VAKMINISTER”?

ORANJESTAD – Basa riba e ultimo desaroyonan andando cu e gobierno nobo di AVP/Futuro, Parlamentario Evelyn Wever-Croes ta elabora riba e topico di “vakminister”. Esaki sigur ta su opinion personal pero ta haya importante si pa comparti esaki cu pueblo.

Parlamentario Wever-Croes su opinion personal ta;

1) un lider politico por nombra un “vakminister” ora riba su lista politico no tin ningun politico activo cu ta prepara of capacita pa ocupa e funcion, y/of cu no tin e conocimiento ni experiencia necesario pa atende e retonan di e cartera.

2) e lider politico tin un otro persona di su confiansa, cu no ta un politico activo, pero cu tin e conocimiento

y experiencia riba e tereno di e ministerio specifico - infraestructura, energia y comunicacion - pa ehecuta e vision, y e experiencia necesario pa goberna.

“Den pasado ya nos a yega di mira carteranan manera finanzas, economia y husticia wordo ocupa pa “vakministers”. Den e caso aki, y cu tur respet pa sr. Rene “Baba” Herde, e ta un pensionado cu talbes hopi experticio y experiencia riba tereno di enseñansa, pero no riba tereno di infraestructura, energia of comunicacion. E lo mester bai siña esey awor, ‘on the job’, mescos cu Minister Wendrick Cecilia. P’esey ora mi a scucha parlamentarionan di Futuro y AVP bisa cu sr. Herde ta e unico persona capacita y cu experiencia pa ocupa e puesto aki, mi

a realisa mesora cu aki un hende ta tuma nan haci.

Mas aun, ora mi a scucha nan bisa cu esaki ta un areglo temporario, “wardando” riba sr. De Meza, esey a confirma mi prome pensamiento cu un hende ta tuma nan haci, pasobra riba kico exactamente nan ta wardando? Nan ta bai sigui forsa sr. De Meza pa cuminsa mas caso? Nan no a realisa ainda cu cada caso cu nan a forsa sr. De Meza entama, ta mas problema el’a haña su mes den dje?

Y ora mi a tende nan bisa cu tras di cortina di sr. Rene “Baba” Herde, ta parlamentario Mike de Meza mes lo ‘call the shots’, mi a realisa cu hendenan mes ta gusta pa nan wordo gaña. Mi a scirbi caba riba



e violacion cu esaki ta di nos Trias Politica. Bo no por ta Parlamentario, cu mester controla gobierno, y mes momento bo ta esun cu ta ‘call the shots’ - pues goberna- tras di cortina.

Como un lider politico, mi ta considera e nombracion di sr. Herde, como un ‘slap in the face’ pa e

politiconan activo riba e lista, specialmente pa e hobennan cu a campaña duro pa e partido gana eleccion bou e promesa di rehubenece e partido.

En todo caso, nos a mira un ‘novum’ atrobe den politica di Aruba” Parlamentario Wever-Croes a expresa.


POLIS Y AMBULANS A BAY MODANZA PA UN DAMA DI 58 AÑA CU A CAY Y NO POR A LANTA



Dialuna madrugada a drenta informe di cu un dama di 58 aña a cay y no por lanta mesora a dirigi tanto polis como ambulans na e sitio.

Na yegada di e patruya a bin compronde cu e dama no por lanta debi na e dolornan cu e tin.

Na yegada di e ambulans nan a yuda e dama lanta y a transporte pa hospital.



ACCIDENTE HIT & RUN NA JUCURI A LAGA DAMA CHAUFFEUR HERIDA



Dialuna mainta a drenta informe di un accidente cu hende herida na Jucuri, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente hit & run unda un chauffeur lomba sunu den un auto Chevrolet

shinishi biniendo for di pabao coriendo meymey di caminda a pone cu e dama chauffeur contrario den un Honda Fit a kita mas na man drechi pero asina mes e Chevrolet a dal den banda. Djey e Chevrolet a sigui bak sin para mientras a laga e dama cu dolor di cabes.

Na yegada di e ambulans nan a atende e dama y cu deliberacion cu su dokter di cas ela ser atendi na e sitio mes.



MINISTER DI ARTHUR DOWERS: AUTORIDADNAN LOCAL TA HACIENDO TUR ESFUERSO PA LOCALISA PISCADONAN PERDI RIBA LAMA

Relaciona cu e situacion di e yate "Energy" cu ta perdi riba lama desde diasabra, Minister di Husticia mr. drs. Arthur Dowers a duna un declaracion na prensa den cual a sigura comunidad cu ta haciendo tur esfuerso posibel pa localisa e piscadonan.

Instancianan di Gobierno ta haciendo tur esfuerso pa logra haya e piscadonan

aki sano y salvo y trece nan bek na tera. Minister Dowers ta lamenta cu politiconan ta haci uzo di un situacion asina delicado pa haci politica locual ta condenabel y immoral.

Kustwacht ta haciendo tur esfuerso y ta uzando modelonan computarisa maritimo manera e coriente di lama y direccion y forsa di biento pa haci

calculacion di mas o menos den cual area e boto por ta, pero te ainda tur intento ta envano. Mientrastanto, no por descarta cu e yate por a sali caba pafu di awanan teritorial di Aruba, pa cual a tuma contacto cu autoridad Colombiano pa duna un man den e buskeda. Minister Dowers ta enfatisa cu Gobierno tin contacto cu autoridadnan internacional pa yuda cu e buskeda riba lama grandi.

Minister Dowers a informa cu Setar a "ping" e ultimo luga na unda a haya señal di celular prome cu e perde contacto y a logra determina e area den cual a cuminsa busca. Kustwacht ta pone gobierno y famianan regularmente na haltura di e ultimo desaroyonan, mientras e trabaonan di buskeda ta



sigui intensivamente pa logra haya e piscadonan.

Minister Dowers ta convivi cu e famia y conocirnan di

e psicado y ta sigura cu Gobierno ta haciendo su maximo esfuerso pa logra trece e piscadonan bek.



A YAMA DR ALEX SCHWENGLE PA BOLBE BEK Y A PIDI JENIFER ARENDS REYES PA BAY HULANDA

E formacion di Gobierno y particion di puesto no ta cla ainda.

Fuentenan bon na altura a informa SOLO DI PUEBLO, cu Dokter Alex Schwengle a wordo yama na Bonaire pa bolbe bek Aruba pa bin yuda Gobierno di AVP den un puesto prominente.

Di otro banda, Jennifer Arends Reyes porfin a bisa “si”, y e ta tuma e

posicion na Hulanda como gevolgmachtigde minister.

Na promer instante e no a tuma aden, pero den e ultimo dlanan el a dal aden cu e deal pe bay Hulanda. Dokter Schwengle aparentemente lo bini pa un bon puesto.

No ta conoci si ta staatssecretaris of ta director di un of otro fundacion medico.



Minister Geoffrey Wever

KICK-OFF SESSION DI ORANJESTAD INVESTORS GROUP



1 juli 2025 - Recientemente den presencia di Minister President Mike Eman y Minister di Finansa, Asuntonan Economico y Sector Primaria Geoffrey Wever a tuma lugar e Kick-Off Session di Oranjestad Investors Group (OIG) unda cu nan a presenta e plan cu e grupo tin pa inverti den e revitalisacion di Oranjestad, combinando e encanto di pasado cu e vision di futuro. Cu e vision aki kier trece un balansa

den biba, traha y explora den e centro di Oranjestad.

OIG a cuminsa como Wilhelmina Investors Group (WIG) cu tabata tin como meta pa renobo, restaura y inverti den revitalisacion di Wilhelminastraat. Cu ampliacion di e grupo, cu awo ta conta cu 12 inversionista, a dicidi pa bin cu e iniciativa pa busca un team di experto pa bin cu un plan strategico, no



solamente pa revitalisa Wilhelminastraat, pero pa haci esaki pa ful e centro di Oranjestad.

E plannan aki ta cuadra cu e vision di Gabinete AVP-Futuro, cu den su Programa di Gobernacion a acorda cu lo revitalisa centro di Oranjestad cu vivienda y area pa actividad social. Minister President Mike Eman y Minister Geoffrey Wever a

elabora riba e importancia pa sector priva traha hunto cu Gobierno y cu Gobierno AVP-Futuro tin e revitalisacion di Oranjestad como un dia nan prioridadnan.

“Mi ta hopi contento y satisfecho pa mira cu inversionistanan ta para banda di gobierno pa hunto nos logra e meta comun cu nos tin, cu ta pa revitalisa e centro di Oranjestad.

Gobierno no por realisa tur cos su so.

Inversionistanan tin un rol esencial den e desaroyo y den e caso aki e revitalisacion di Oranjestad y pronto nos lo inicia e revitalisacion di e resto di Wilhelminastraat y area di Klipstraat y Oranjestraat pa asina full e area cu emebyece” minister Geoffrey Wever a termina bisando.

Agente Policial riba pia fin di siman

CONTROL POLICIAL DEN ORANJESTAD: 93 BOET REPARTI



MACUARIMA, ARUBA: Diabierna atardi un ploeg di Districto Oranjestad a organisa un Control Policial na e Districto di Oranjestad. E meta primordial di e control di trafico tabata enfoca riba diferente infraccion den trafico pero tambe e parti preventivo, pa asina crea mas concientisacion den trafico.

Ploeg di Oranjestad tabata compaña pa Motor Unit, Polis di Bario Oranjestad, Tourism Oriented Police, K9 Unit, CEA, Central di Polis, Departamento di informacion y como tambe takelwagen. Minister di Husticia sr. Arthur Dowers como tambe Hefe di Polis Uniforma Sr. De Mey como tambe Hefe




di Districto Oranjestad Sr. Brown tambe tabata presente pa duna sosten na e agentenan policial cu tabata eherciando nan trabou.

Na final di atardi e controlnan a sigui bay t'e den oranan di anochi na diferente localidad strategico den Oranjestad.

E accion Policial aki tabata fructifero y a resulta cu 350 vehiculo a wordo controla di cual tabata tin 93 boet reparti pa deferente infraccion manera:

Belasting, Rijbewijs, Safety belt, Seguro y Keuring. Tambe 3 vehiculo a wordo confisca. Durante control a bin encontra marihuana, cocaína, moli y sambechi. Tur esakinan a wordo tuma den beslag.

Un accion bon organisa cu no ta descarta cu lo tin mas na caminda. Na cualkier momento di dia nos agentenan policial por



controla un vehiculo pa un trafico mas sigur na Aruba. Nos mensahe na nos comunidad ta pa Semper

tin bo documentonan na ordo y Busca Bo Amigo Responsabel..

Minister Geoffrey Wever


REVITALISACION DI CENTRO SAN NICOLAS LO TIN SOLAMENTE RESULTADO POSITIVO PA SAN NICOLAS

Oranjestad, 13 juli 2025 - Despues di a tuma nota di preocupacionnan di comunidad pa lo cual ta trata desaroyonan di e proyecto pa revitalisa San Nicolas, minister di Finansa, Asunto Economico y Sector Primario, Geoffrey Wever ta haya necesario pa aclarea e puntonan aki pa kita e preocupacionnan aki.

Caminda den B.vd.Veen Zeppenfeldstraat Nos a compronde cu tin un grupo di ciudadano a haya e percepcion cu e caminda den B.vd.Veen Zeppenfeldstraat na altura di oficina di Post Aruba y SETAR lo bira un caya di “eenrichtingsverkeer”, lo cual no ta e caso. Den e nieuwe situatie tekening por mira cu e caminda

lo keda un ruta di dos via (“twee-richting”). Lo amplia e trottoir pa peaton y e caminda lo bira un poco mas smal, manteniendo e via habri pa trafico di tur dos direccion.

Crusada Caya Captain R. Rodger Tambe nos a tuma nota cu a vocifera preocupacionnan riba e cambio na e crusada cu ta bay di B.vd.Veen Zeppenfeldstraat pa Caya Captain R. Rodger net pariba di stacion di bus. Desde inicio di e proyecto, hunto cu e arkitekto encarga cu e diseño di e proyecto y DOW, a studia e situacion y a tene debido cuenta cu diferente factor, entre otro e ruta di carnaval cu ta pasa na e crusada aki. Pa e motibo aki no lo tin trottoir cu lo impedi truck, auto of carosa pa



pasa riba e crusada. “Nos a tene debido cuenta cu aspectonan manera fluho di trafico, seguridad y sigur e ruta di carnaval y a mantene e mesun espacio pa por bira y no a pone un trottoir, pero un manera cu truck por subi riba dje sin

problema y no perhudica e ruta di carnaval. E ultimo dlanan mi tawata tin contacto cu DOW y e aitekto pa sigura cu e proyecto ta bon ehecuta segun e diseño”, segun Minister Wever. Minister Wever ta sigura

comunidad di San Nicolas cu e cambianan cu ta tumando lugar pa revitalisa San Nicolas, ta cambianan pa mihor y a tene cuenta pa e proyecto aki aporta na un desaroyo positivo di San Nicolas cu lo beneficia tur hende.

A GRADUA DI UNIVERSIDAD DI ARUBA, INDRA INDIRA ZAANDAM

ORANJESTAD – Dia 9 di july, 2025 a gradua na e Facultad di Ley na Universidad di Aruba, Indra Indira Zaandam. El a gradua defendiendo su tesis titula: “Tussen macht en invloed: Hoe het aanpassen van het Reglement van orde van de rijksministerraad tot een gelijkwaardigere positie van de Caribische landen binnen het Koninkrijk kan leiden.”

Miembronan di e comision di examen tawata:
mr. H. Meijer
mr. B. Huiskes
mr. R. Santos do Nascimento

Universidad di Aruba ta felicita Indra Indira Zaandam cu su logro.



NA ROOI AFO UN HOMBER DI 78 AÑA A CAY ORA PARTI DI DAK A KIBRA Y ELA BIN ABAO

Dialuna mainta a drenta informe di cu un persona a cay for di un dak ora parti di esaki a kibra y a bin cune abao, mesora a dirigi un ambulans na e sitio. Na yegada di e ambulans nan a atende e victima y a transporte pa hospital.



POLIS Y AMBULANS A BAY CURA CABAY PA UN MUCHA CU A CAY FOR DI TRAMPOLIN

Diadomingo atardi a drenta informe di cu un mucha lo a cay for di un trampolin na Cura Cabay, mesora a dirigi tanto polis como ambulans na e sitio. Na yegada di e patruya na e sitio a bin compronde cu aki ta trata di un mucha cu tabata den un trampolin y di un manera of otro ela cay abao. Na yegada di e ambulans nan a atende e mucha y a transporte pa hospital pa un control mas en extenso.



POLIS Y AMBULANS A BAY PA UN PERSONA CU A BIRA MALO DESPUES DI UN ACCIDENTE



Diadomingo merdia a drenta informe di un accidente cu un persona herida na Tanki Leendert, mesora a dirigi tanto polis

como ambulans na e sitio. Na yegada di e patruya a bin compronde cu 2 auto a dal den otro y un pasajero lo a dal su cabes y no por a

move su pianan.

Na yegada di e ambulans nan a atende e victima y a transporte pa hospital.



ENTREGA DI DIPLOMA NA PERSONAL DI KIA

Diabierna atardi, a tuma lugu un ceremonia special na Instituto Coreccional Aruba, KIA, unda a haci entrega di diploma na varios personal cu a sigui opleidingnan importante pa nan trabao den KIA. Den presencia di Minister di Husticia, mr. drs. Arthur Dowers, director di KIA Sr. Erik Teepe, speurhondentrainer certifica di Aduana Sr. Giovanni Nicolaas y varios colega di Dienst Gevangeniswezen Aruba, a haci entrega di e merecido diploma na e personal, pa nan esfuerso y dedicacion.

Un total di 13 empleado a gradua di e Vervolg Opleiding 1, mientras cu 14 empleado a gradua

exitosamente di Vervolg Opleiding 2. E formacion aki ta parti di e trayecto continuo di desaroyo profesional pa e personal di KIA.

Ademas, 6 miembro di personal a haya nan diploma pa e formacion MBO-3 pa Sociaal Pedagogisch Werker na instituto FEPA, un logro cu ta demostra nan compromiso pa sigui desaroya nan mes.

Un otro momento di orguyo durante e celebracion tabata e certificacion oficial di un speurhondengeleider y su dos cachonan, Renzo y Hector, cu despues di entrenamiento intensivo di 4 luna bao di guia di Sr. Giovanni Nicolaas di



Aduana, a logra pasa e curso exitosamente.

Minister di Husticia Dowers, hunto cu e cuerpo di DGWA, ta felicita tur empleado cu a gradua y ta expresa nan gratitud y respet pa nan esfuerso. Cu esaki, Ministerio di

Husticia ta enfatisa cu e posibilidad pa sigui formacion profesional no mester ta limita solamente na e funcion actual di e empleado, sino pa habri espacio pa crecimiento y carera den e servicio publico.

Ministerio di Husticia ta sigui inverti den e futuro di su personal, y e resultado ta evidente: trahadornan capacita y prepara pa sirbi e comunidad cu dedicacion y profesionalismo, apesar di e situacion di deterioro di e facilidad coreccional.

ALIVIO GRANDI PA FAMIA VULNERABEL

Gobierno ta subi e yudansa escolar y apoyo social: na cuminsamento di aña escolar. Den fin di siman Minister President Mike Eman y Minister di Asuntonan Social, Cuido y Cuido di nos Grandinan Mervin Wyatt Ras a anuncia cu Consejo di Minister di Gabinete AVP-FUTURO a aproba un paquete di yudansa cu ayudo financiero pa famianan vulnerabel cu ta dreña na vigor na luna Augustus/September 2025.

E aumento ta dirigi específicamente pa yuda e famia cu ta riba bijstand na e cuminsamento di e aña escolar nobo.

“E aumento aki ta un necesidad, un paso necesario den interes

di nos muchanan nan futuro,” segun Minister-President Mike Eman. “Un gobierno responsabel mester yega den tur bario, y sostene famianan y nan yiunan. Si nos kier pa tur mucha tin un comienso igual den scol, nos mester kita e obstaculo financiero pa e famianan vulnerabel. Nos ta haci esey awe.” Minister President mr. Mike Eman ta accentua. Hunto cu Minister Wyatt Ras a anuncia e siguiente decisionan.

E yudansa aproba ta inclui:

E yudansa pa apertura di e aña escolar pa cumpra material pa scol ta subi di Fls. 220 pa mucha na Fls. 250, cu un maximo pa henter cas di Fls. 1.000 (antes e tabata Fls. 800);

E contribucion pa scol, cu ta wordo paga directamente na scol, ta subi di Fls. 120 pa mucha na Fls. 250; E compensacion mensual pa famia cu mucha na scol (di edad di 3 te 24 aña) ta subi di Fls. 250 na Fls. 300 pa luna (13 biaha pa aña); E bijstand basico pa persona ta subi di Fls. 450 na Fls. 600 pa luna.

Minister Mervin Wyatt Ras a enfatisa e caracter social di e decision: “Nos ta manda un mensahe cla: nos hendenan no ta nan so. Den temponan dificil, nos ta para cu nos hendenan cu mas mester di nos. E aumento aki ta e forma di compacion pa cambia bida di nos hendenan.”

Durante su bishita recien



den bario di Jaburibari, Minister-President Eman a ricibi hopi palabra di agradecimento di banda di e residentenan di bario. Nan a muestra nan ta hopi contento cu e aumento di pensioen di Fls. 250, cu e cobertura di medicamento di remedinan cu AZV awor cu decision di Gabinete AVP-FUTURO ta worde cubri atrobe. Awor tambe e aumento den bijstand – un ayudo directo cu ta

yega directamente na e famianan den e bario cu mas mester di dje ta otro paso pa tey pa pueblo, mr. Mike Eman ta enfatisa.

Eman ta muestra tambe cu den tur e decisionan aki unda cu mester cambia e prioridadnan financiero den Presupuesto ta haya e cooperacion di e Gabinete completo y di e Minister di Finanzas mr. Geoffrey Wever.

GILLMAR WERLEMAN A GRADUA COMO BACHELOR DEN ORGANIZATION, GOVERNANCE AND MANAGEMENT (OGM)



Dia 7 di juli 2025, Gillmar a defende su tesis exitosamente y a obtene e titulo di 'Bachelor of Arts' for di e programa Organization, Governance and Management, Facultad di Arte y Ciencia. Gillmar a defende su tesis "Understanding the Barriers and Stimulators for Youth Participation: A Qualitative Case Study in the Parlamento Hubenil Aruba" dilanti di e comision di graduacion cu tawata consisti di Thais Franken MSc, Luciano Miljrad L.L.M y Sacha Geerman Directora di Sociale Zaken. Ademá tabata presente manager di e programa OGM, Ahmet Talan, MSc, famia, amistad di Gillmar Werleman, docente di Universidad di Aruba y colega di estudio tambe tawata presente.

Gillmar Werleman a investigakicotaefactornan cu ta limita y stimula nos hobennan pa participa den Parlamento Hubenil y pa asina duna recomendacion pa aumenta e cantidad di miembro entre e edad di 18 te cu 24 aña.

E participantenan di e investigacion ta miembronan actual, miembronan di pasado, trahado y coordinadornan di añanan anterior y actual di Parlamento Hubenil y e ultimo grupo ta hoben entre 18 pa 24 aña den comunidad cu no tin niun afiliacion cu Parlamento Hubenil.

Un di e recomendacionnan ta cu Parlamento Hubenil por bin cu mas oportunidad pa hobennan representa Aruba mas frecuentemente den exterior y asina experiencia otro cultura.

Otro recomendacion ta pa Parlamento Hubenil haci mas uzo di social media pa asina educa e pueblo riba e mision di Parlamento Hubenil y alabes educa tambe kico tur Derecho di Mucha ta encera, mirando cu tin hopi confusion riba esaki.

Ta gradici e docentanan di e departamento di OGM y profesional cu a yuda of guia Gillmar Werleman

como estudiante. Tambe ta gradici tur esnan na y pafo di Universidad di Aruba cu a contribui na un manera of otro na e acontecimiento aki.

Pa mas informacion tocante e estudio OGM, bishita e website di Universidad di Aruba na <http://www.ua.aw/ogm>, e pagina di Facebook @ UniversityofArubaOGM y e pagina di Instagram @ ogm_ua.



Oracion di dia

Un dia fructifero colma cu hopi gracia di Dios.

El a sclama: "Ay di bo, Corazin; Ay di bo, Betsaida! Si e mesun milagernan cu a tuma luga cerca boso, a tuma luga na Tiro y Sidon, dia bieu e hendenan ey lo a bisti paña di rouw y strooi shinishi riba nan cabes como señal di conversion!" Mateo 11,21

Den e versiculo aki Hesus ta confronta nos cu e contrast doloroso entre gracia revela y indiferencia humano. Hesus ta lamenta Corazin y Betsaida no pa falta di milager, pero pasobra e prodigionan no a logra genera conversion. Hesus su keho ta resona na e curason divino: Dios ta desea un contesta autentico. Tiro y Sidon, cuidadnan pagano, lo a responde cu yunamento y shinishi; e pueblonan privilegia, di otro banda, a haci nan alma duro. Awendia e advertencia ainda ta relevante: kico nos ta haci cu e señalnan diario di bondad divino? E bunitesa di creacion, solidaridad inespera, un palabra accesibel. Sinembargo, desordo digital, consumo lihe ta stroba nos sentidonan spiritual.

Conversion ta encera pasa di mira pa contempla, pasa di tende pa scucha, pasa di conoce pa biba. Conversion no ta un solo suceso, pero un proceso constante cu ta renoba percepcion y renoba gracia. Hesus ta urgi nos pa kibra cu rutinanan cu ta droga e curason y pa cultiva

rutinanan cu ta gratitud activo: un fe cu ta resa, compromete y traduci den obranan di husticia y misericordia. Asina, tur dia ta bira un oportunidad pa scoge e caminda di Reino, cu humildad y speransa.

Oracion: Mi Señor y mi Dios, lanta nos curason indiferente, y converti nos pa stima, sirbi y proclama bo Reino. Amen.

FORTALEZA PA FAMIA

Scirbi pa Pastor Marcel Balootje.

TENE DURO NA BO ORACION,
DIANAN TA DIFICIL Y SCUR

Keda vigila y haci oracion,pa boso no cay den tentacion, e spiritu ta boluntario , ma e carni ta debil. (Mateo 26;41)

Tene cuidao pa boso curason no ta carga pa causa di paranda,y buracheria,y e preocupacionnan di bida, y e dia ey bini diripiente riba boso manera un trampa. Pasobra e lo bin riba tur esnan cu ta biba riba superficie di henter mundo, Ma sea alerta tur ora bay, haciendo oracion,pa boso por tin forza pa scapa di tur e cosnan aki, cu ta bay tuma lugar, y pa para dilanti di e Yiu di hende.(Lucas 21:34-36).

Sea sobrio, sea alerta. Boso adversario e diabel ta cana rond manera un leon cu ta grunja,buscando ken e por devora.(1 Pedro 5:8). Laga amor ta sin hipocrecia. Aborece loke ta malo,tene firme na loke ta bon. Stima otro cu amor fraternal.Duna preferencia na otro den honor. No flakia den diligencia, ma sea ferviente den espirito sirbiendo Senjor. Regosiha den speransa, perserando den tribulacion. Dedicana oracion.(Romanonan 12;9-12).

Nos ta bibando den un tempo caminda maldad no ta wordo reprende , pero e ta wordo celebra, caminda cosnan malo ta wordo acepta pa bon, y cosnan bon ta wordo tuma na malo.

E situacion mundial ta tristo, hopi confusion den pueblo, hende ta puntra kico ta kico, acaso maldad ta prevalese riba bondad, acaso inmoralidad y malicia a crece asina tanto, cu hende no ta para keto mas dilanti di boluntad di Dios.

Acaso Dios su palabra ta wordi troci y ninga, y cu asina hende ta wak solamente di nan banda y no tin respet y temor di Dios.(2 Timoteo 3:1-5).

Nos ta bibando den un tempo , cu tur hende

cu ta desea di hiba un bida santo den Cristo Hesus lo wordo persigi.(1 Timoteo 3:12) Laga nos no lubida cu Juan Bautista su cabes a wordo kita pasobra e a reprende pica.

Nos bida di oracion, no ta un bida barata, pasobra nos no ta luchando contra carni y sanger. Ora nos ta haci oracion ta nifica, cu nos ta hiba un bida dependiente di Dios, cual nos ta aserca Su trono di gracia, pa asina nos por mira su man man move, y asina su bendicion por alcanza nos bida.

Cuanto hende awendia no ta bibando un bida independiente di Dios, den cual pica y inmoralidad a bira un modelo di bida, hende ta sconde den scuridad, ganjando nan mes(1 Timoteo 4:1) pa asina nan por defende e bida di pica, y lubida cu Dios lo saca tur cos na lus.

Pero ta bon pa nos tur corda cu oracion no ta funciona ora tin pica scondi (Salmo 66:18) (1Juan 1 :9).

Oracion no ta funciona ora orguyo ta domina nos bida (Santiago 4:2-3).

Oracion no ta funciona ora nos ta rechasa nos Famia (1 Pedro 3:7).

Oracion no ta funciona ora ta pusha nos boluntad pa dilanti y pone un banda e boluntad di Dios (1 Juan 5:14-15).

Oracion no ta funciona ora nos ta aproba inhusticia (1 Corintionan 6:9-10).

Ta un bataya grandi tin y nos ta hibando, pasobra manera e palabra di Dios ta bisa cu ciencia lo aumenta y e amor di hopi lo fria, pero awor a yega e momento di esforsa nos mes y sea balente, no tene miedo tampoco desmaya, pasobra Dios conoce tur esnan cu ta di dj'E. Si awe bo lesa of tende e palabra di Dios, no haci bo curason duro.

Cristo Hesus ta bini pronto. Sinceramente, Pastor Marcel Balootje.

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

AMAZONAS DI ARUBA CU VARIOS PREMIO NA COLOMBIA



Clasificados



SOLODIPUEBLO@GMAIL.COM

CEL. 585 9500



Den e ultimo weekend, un delegacion di amazona di Aruba a competi den e Valida Clasificatoria organisa pa ASOCABA na Medellin, Colombia. E amazonas cu a representa Aruba ta Zaria de Groot den categoria di Infantil A 9-11 anja, Mia Rose Tromp den categoria Junior A 12-14 anja, Xielle Koolman, Abigail Wong y Xyselle Dijkhoff den categoria Juvenil A 15-17 anja.

Akinan Xyselle a clasifica den e top 8, pero a keda net cortico pa un di e 6 premionan. Sarah Toet a competi den categoria Aficionadas 1 A caminda e la obtene un tercer puesto. Genesis Pietersz a competi den categoria Aficionadas 2 A unda e la logra un cuarto puesto, y Lea Vink a competi den Aficionadas 3 A caminda e la keda premio cu un tercer puesto. Casi tur amazona

a competi riba cabaynan cu nan no ta conose, cual a hasi nan resultado mas impresionante y ta demonstra nan habilidad pa adapta na cualkier tipo di cabay cu nan hanja.

E amazonas lo ta kedando Colombia algun dia mas pa asina participa tambe den un trainingskamp pa sigi desarrolla nan habilidad y hanja mas experiencia.

NOCHE DE TAMBOR



**NOCHE DE
TAMBOR**

**JUEVES
17
Julio**

7:00 - 9:30 PM

**ARUBA
COLOMBIA
CURACAO
VENEZUELA
REPUBLICA DOMINICANA**



Biblioteca Nacional Aruba ta presenta un actividad cultural cu focus riba e instrumento Tambu. Diferente persona ta duna demostracion riba Tambu y ta duna informacion tocante e diferente expresionnan musical. Tambe ta duna poco informacion di e historia di Tambu y con e Tambu ta wordo toca den diferente cultura. E programa ta di 7or pa 9or di anochi y entrada ta gratis.

	Paardenbaastraat 10, Oranjestad, Aruba Tel.: (297) 525 - 7555	
	www.lottoaruba.com	
	Resultado: Sorteo di Merdia 🌀 - July 14, 2025	
 Sorteo # 4680 3598 2328 1328  X2  Sorteo # 4680 4487  FP  Sorteo # 2736 7044  Sorteo # 4680 5482 Scorpio  Sorteo # 1554 848  X3	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 235.000,-
 Sorteo # 0 x Jackpot 0 x Match 4 0 x Afl 8,00	Proximo Jackpot 55.000,-	
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 260.000,-	
 Afl. 360.000,-		
 Sorteo #	#VALUE!	Sorteo #
		

NA MISA CRISTO REY NA BRAZIL

Diaranson dia 16 di Juli Aruba ta celebra dia di Birgen del Carmen. Na misa Cristo Rey tambe E devotonan por presenta pa asina sigui e sirbishi aki.

Como Birgen del Carmen ta e patrono di medio di transporte, Pastoor Andry Soto lo bendiciona autonan di e devotonan cu presenta. Entre otro tambe e autonan di Brandweer, Polis, WEB, Setar , Serlimar, Elmar, Yatenan/ botonan etc.. Pastoor ta wardabo pa Santo Sacrificio di misa 6:30pm dia 16 di Juli.

DERECHO DI NATURALES

PROCESO LEGISLATIVO PA ANGRA DERECHO DI NATURALES DEN NOS CONSTITUCION

Concepto di Ley ta sali for di Bureau Ministerio di Naturalesa

- E concepto di ley a wordo traha door di Bureau di Ministerio di Naturalesa y Directie Natuur en Milieu, den consulta cu organisacionnan y expertonan internacional.
- A tene un prome dialogo cu Parlamento.

Concepto di ley ta bay Departamento legislativo

- Departamento Legislativo (DwQZ) ta revisa e concepto y adapta si ta necesario den cuadro di calidad y efectividad di legislacion.

Consulta cu stakeholders

- Splicacion y informacion publico tocante e concepto di ley.
- Diferente sesion cu stakeholders for di varios sector.
- Mas dialogo cu Parlamento.

Considera y procesa sugerencianan di stakeholders

- Ministerio di Naturalesa, conhuntamente cu Departamento Legislativo, ta considera y procesa comentario y sugerencia di stakeholders y Parlamento.

Raad van Advies

- E concepto di ley (adapta) ta wordo entrega na Raad van Advies.
- Raad van Advies ta duna su conseho riba e concepto di ley.

Parlamento

- Despues di ricibi y considera e conseho di Raad van Advies, Gobierno ta entrega e proposicion di ley na Parlamento.
- Miembronan di Parlamento por haci pregunta por escrito riba e proposicion di ley.
- Gobierno ta contesta e preguntanan por escrito.

TRATAMENTO Y VOTACION DEN REUNION PUBLICO

- Presidente di Parlamento ta yama un reunion publico pa trata e proposicion di ley.
- Pa motibo cu ta un proposicion pa cambia nos Constitucion, e proposicion ta rekeri sosten di dos tercera parti di Parlamento.











Ministerio di Naturalesa

MINISTER "BABA" HERDE A RANCA SALI CU E PROME REUNION DI CONSEHO DI MINISTER



Apenas un dia despues di a huramenta dilanti Gobernador, Minister di Infraestructura, Energia y Medio Ambiente, Gervais Rene Herdê, a asisti na e ultimo Consejo di Minister prome cu bay cu reces.

Despues di 35 aña trahando den politica na Aruba, "Baba" Herdê a forma parti pa prome biaha di Consejo di Minister y ta trece un cantidad di experiencia na mesa. E experiencia amplio como ex parlamentario pa fraccion di AVP riba un

cantidad di tereno, lo sirbi como guia pa Minister Herdê.

Den pasado Herdê tabata forma parti di ekipo di varios minister, pero nunca a tuma decision ehecutivo cu por impacta bida di hende. Formando parti awo di e consejo di minister, Minister Herdê ta sinti e peso di e responsabilidad, awo cu tin cu atende cu cosnan personal di personanan cu ta depende di e decision di un of mas minister pa bienestar general y di



ambtenaar, pero tambe riba maneho general di su ministerio, manera e maneho di infraestructura of energia. Minister Herdê a expresa su sentido di respet pa tur esnan den funcion como minister pero tambe esnan cu den pasado a carga e peso di responsabilidad aki.

Como ex-parlamentario, Sr. Herdê, a haya conocimiento amplio riba e maneho energetico, di infraestructura y medio ambiente, locual tabata un maneho bon defini pa e gobierno di AVP den pasado. Minister Herdê a subraya si cu e

ta comprende e materia bon y tin conocimiento amplio, pero cu esaki no ta hacie un experto at all riba e terenonan aki, pero ta segura cu lo busca consejo di expertonan specialisa riba e diferente materianan aki.

Segun Minister Herdê, Aruba a perde shete aña di transicion for di energia fosil pa energia renobabel, y awo mester haal in e perdida aki mirando cu henter mundo ta mirando e importancia pa transiciona den energia limpi. E uzo convencional di energia fosil den transcurso di decadanan

a resulta devastador pa nos medio ambiente y tin su efecto riba economia mundial y bienestar di cada hende, y esaki ta e motibo cu e transicion ta asina importante. Aruba tin e medionan pa por transiciona den energia duradero di manera facil. Locual tin na plan cla y hunto cu e experticio di esnan cu a traha e plan aki, manera ingeniero Mike de Meza y su ekipo, lo cuminsa cu ehecutacion di e maneho nobo. "Awo no tin tempo mas pa planea, e plannan tey y awo ta ehecuta", Minister Herdê a finalisa.

POLIS Y AMBULANS A BAY PA UN HOBENCITA DI 17 AÑA CU A LOS 2 TIRO NA SU PIA!

Dialuna madruga a drenta informe di cu un persona lo a los 2 tiro den su pia, mesora a dirigi tanto polis como ambulans na e sitio. Na yegada di e patrulla a bin comprende cu aki ta trata di un hobencita di 17 aña cu problema di salud mental cu lo a los 2 tiro na su pia cu bala di kelki y a keda herida. Na yegada di e ambulans nan a atende e hoben aki y a transporte pa hospital

